

Tabung UNIMASku Sayang bantu mereka yang memerlukan

on 09 January 2015.



" Warga prihatin..." para staf dari Bahagian Khidmat Pengurusan Canselori (BKPC) dan Bahagian Perancangan dan Komunikasi Korporat (BPKK) UNIMAS menghulurkan sumbangan wang ke dalam Tabung UNIMASku Sayang.

KOTA SAMARAHAN, 9 Januari 2015 : Universiti Malaysia Sarawak (UNIMAS) telah memulakan usaha mengisi Tabung UNIMASku Sayang, yang bermula hari ini di semua fakulti, bahagian, pusat dan institut kecemerlangan di universiti ini.

Tabung UNIMASku Sayang merupakan satu langkah proaktif yang diambil untuk membuka peluang kepada warga universiti ini menyumbang wang bagi tujuan pengumpulan dana untuk membantu mereka yang memerlukan kelak.

Sebagai permulaan, tabung berkenaan akan memfokuskan pemberian sumbangan kepada mereka yang memerlukan terutama mangsa-mangsa banjir di negeri-negeri di Pantai Timur dan Utara Semenanjung.

Untuk tujuan itu, sumbangan kewangan menerusi tabung berkenaan bagi membantu kumpulan sasaran mangsa banjir yang telah dikenal-pasti tersebut akan dilakukan sehingga 31 Januari 2015.

Selain warga UNIMAS sendiri, pihak luar dan individu yang berhajat untuk membantu mangsa banjir juga boleh menyalurkan bantuan kewangan ke dalam Tabung UNIMASku Sayang menerusi akaun Universiti Malaysia Sarawak, no akaun 80-0511503-0 di CIMB Bank (Jalan Satok, Kuching).

Artikel : Sarena Haidir | | Foto : Azlandy M.A.T